

در سعادته باب عالی جاده سنده
اداره مخصوصه
محل اداره :

مستطابق

اختصار :

مسلمکزه موافق آثار جیدہ مع المنوبہ
قبول اولنور
درج ایدین آثار اعاده اولنور

دین، فلسفه، علوم، حقوق، ادبیاتدن و سیاسیاتدن وبالخاصه کرب سیاسی و کرب اجتماعی و مدنی احوال و شئون اسلامیهدن
بحث ایدر وهفته ده بردفیه نشر اولنور.

مؤسسی : ابوالعلا زین العابدین - ح . اشرف ادیب

در سعادته نسخه سی ۵۰ پاره در

تاریخ تاسیسی

قیرلهدن مقوا بورو ایله کوندریلیرسه سنوی
۲۰ غروش فضله آلنیر

۱۰ تموز ۳۲۴

سنه لکی

۴۰

ولایاتده

۴۰

ممالک اجنبیه ده

در سعادته پوسته ایله کوندریلیرسه ولایات بدلی اخذ اولنور

عدد : ۵۰

۳ شعبان ۳۲۷ پنجشنبه ۶ اغستوس ۳۲۵

ایکنجی جلد

کسب و تجارت و تاسیس صنایع

نظر شرع انورده مرغوبیتی

مقاله سندن مابعد

احمد بن حنبل حضرتلری -- خانه ویا زاویه سسندده اقامتسه
کسبدن فارغ وبلاتسب وصول رزقه مترقب اولان بر شخص حقندده
مطالعه لری سؤال اوله قده -- بیوردیلرکه بویه کیمسه لر حقیقت
شرعه آگاه دکلردر . هیچ اولمازسه حضرت رسول اکرمک
قوشلرک کیفیت مرزوقیتنه دائر گفتار در برلری ملاحظه ایتلیدرلر .
اوکلام شریفده « تغذو خاصاً و تروح بطاناً » بیورلمشدر . یعنی قوشلر
علی الصباح لانه لرندن آج اوله رق پرواز ایدرلر ، کیتدکلری برلرده
قارینلری طویهرق آقشام اوستی دوزلر .

جناب رسالتاب افندمن صدر حدیثده بزی قوشلرکبی متوکل
علی الله اولغه دعوت ، بعدده اولرک توکللری حاللریله متناسب اولان
اسبابه تمسک ، تحریر اسبابه نشبث ایتلرینه مانع اولمدیغنه ارشاد
بیورمشدر . فصلکه مثنوی شریفک ابیات آتیسه سی ده بو معنای
مصوردر :

گفت آری کرتوکل رهبرست این سبب هم سنت پیغمبرست
[۱] گفت پیغمبر با آواز بلند باتوکل زانوی اشتر بند
رمز الکاسب حیبابه شنو از توکل در سبب کاهل مشو

[۱] اول ناصح دیدی که : توکل امر مستحب ایسه تسببده سنت نبویه در .
حضرت پیغمبر براعرابی به خطاباً آواز بلند ایله بیورمشدر که :
حقه توکل ایله برابر دوه کک تاصه سنی محکم باغلا . سنده « الکاسب
حیبابه » حدیث شریفده کی رمزی ای آکلا ، محض توکل ایله اکتفا
ایدوبده تحریر اسبابده تنبل اوللا .

عطالتدن زجر ، کسب و تجارتیه ترغیب بابنده ورود ایتش دها
پک چوق نصوص شرعیه ، آثار علیه واردر . بناء علی ذلک من القدیم
اهالی اسلامیه کسب و تجارتیه اشتغالدن کیرو طور مامش ، صنائع
متنوعده ابراز ایتدکلری ترقیات عظیمه ایله عالمی حیران براقشدر .
عهد جلیل نبویه اصحاب کزین حضراتی بیه - او قدر مشاغل
مهمه آرده سنده - مزرعه و حدیقه لرنده بالذات چالشیر ، هر درلو تجارت
بریه و بحریه ده بولنورلردی .

ایچلرنده امیر المؤمنین حضرت ابوبکر و حضرت عثمان ایله زیربن
العوام ، عبدالرحمن بن عوف و سعد بن عباده کبی پک چوق ثروت
وسامان صاحب لری بولنوردی . مع هذا اکثر اغنیای آتیرک قلیلرنده
دنیا محبتی یوغیدی . ماللری ده دین و ملت اوغورینه فدا ایدرلر
وبوسایه ده هر زمان مظهر ثنای پیغمبری اولورلردی .

[متاع دنیا به اصلا دلبسته اولمایان ، اللرنده بی نهایت نفائس اموال
بولندینی حالدیه هیچ بری کوکلرینه کیرمین ، کندیلرینه حق و حقوق
نسیان ایتدیرمین ذوات مشارالیه امثالی حقندده مثنوی شریفک
شو ابیات مبارکه سی قید ایدیورز .]

چیست دنیا از خدا غافل بدن نی قماش و نقره و فرزندوزن
مال را کز بهر دین باشی حمل نعم مال صالح خواندش رسول
آب در کشتی هلاک کشتی است آب اندر زیر کشتی پستی است [۲]

[۲] دنیا نه در ؟ خدادن غافل اولق . یوقسه نفیس قماش تلبس ،
سیم و زرتمک ایتک ، ارکک اولاد صاحبی اولق ، حسنا قادی ایتک دنیا
صایلماز . دین مبینه خدمت ایچون مال و ثروت صاحبی اولمفلک « نعم المال الصالح
للرجل الصالح » حدیث شریفله ثنا کرده حضرت رسولدر . داخل سفینه به
کیرن صولر آنک هلاکنه بادی اولور . اما خارچنده کی صولرک وجودی

الحاصل توسیع تجارت، صرف مساعیده جدیدت واستقامتله نقود و اموال صاحبی اولی نظر شرعده مذموم دکل؛ بالعکس بمدوحد. مذموم و مقدوح اولان حلال و حرام سچمیه رک، وظائف دینییه اخلاص ایدره رک حریمه و منه مکانه صورتده دنیا به طالمق، لهویاتله امرار حیات ایدوب سعادت اخرویهدن محروم قالمقدر. بر حدیث شریفده «مال کثیر مؤمنک سلاحی اولوب دین و دنیا سنی انکله محافظه ایدر.» بیورلمشدر. فی سبیل اه اتفاق، جناب حقه اقراض حسن، شعائر دینییه، کلمه الهی اعلایه خدمت کبی نصوص شرعیه ایله بوتون امتک مکلف اولدقلری وظائف اساسیه نک تمامی ایفاسی ثروت و سامان صاحبی اولمه متوقف بولندینی درکاردر.

ملت اسلامیه نک اعدای دولتی ارباب ایدره جک نجیب آتله، استطاعت بشریه نک مساعد اولدینی مرتبه قوتی اک مکمل سلاحلر وجوب اعداد واستکماله دائر «واعذوا لهم ما استطعتم من قوة ومن رباط الخيل ترهبون به عدو الله الخ» فرمان سبجانیسه امثالی، بوفرمانک متضمن اولدینی، «وانفقوا فی سبیل الله ولا تلقوا بأيديکم الى التهلكة واحسنوا ان الله يحب المحسنين» [۳] خطاب جلیلک صراحت مرتبه سنده لزوم تدارکنه ارشاد ایلدیکی - دشمنک استعمال ایدره بیله جکی اک مؤثر و مکمل - زرهللی سفینهلر صوک سیستم طوپلر، تفنگلر، حرب و جهادده تأمین ظفر ایلره جک بوتون ادوات و لوازم سفریه و سائرته نک احضار واکالی آزمقدار پاره ابله حصول بولوب ثروت عظیمه و سامان بی پایان احرازینه منوط بولندینی میدانددر.

شرع شریفه موافقتی امر ضروری اولان عقل و حکمتده انسانلره بودرسی و یرمکدهدر. بوکا بناء عزت نفسی حیثیت و وقارینی محافظه ایلره شرف و سعادتله یاشامق ایستهین ملل و اقوام کیجه کوندوز بذل مساعی و التزام فداکاری ایلره اکتساب امواله موفق اولیور و ایجابات عصریه به مطابق اسباب مکنت واستعمال احضاریلره خصما و اعدایه سطوت کوستریبورلر.

امام حجة الاسلام حضرت تری دیورلرکه قرآن کریمده مال و ثروتک «ان ترک خیراً» مثللو آیات کریمده «خیر» عنوانیله یاد اولمسی اهمیتیه افهامده کافیدر. برده ایفای حج و بذل مروت و انفاقه دائر مدح و ستایش مقامنده شرفزول ایدن بتون آیات قرآنییه ثروت و غنای مدحی متضمندر. چونکه مال کثیر صاحبی اولیان کیمسه عبادات مالیه ایفاسنه مقتدر اولیه جکی کبی مروت و عاطفت اربابنه التحاق ایدمه جکی ده آشکاردر.

کذلک «و یمدکم باموال، و بنین و یجعل لکم جنات و یجعل لکم

— مدارجریان اولغله — اوضروریدر. «ان السفينة لا تجرى على الیس» فحواسنجه قارده کمی یورومز، مایتوقف علیهی تحقق ایمینشی وجود بولماز. [۳] الله یولنه، دین و ملت اوغورینه اتفاق اموال ایدک. بخل و امساک و قتالدن تکاسل و انشکاک ایلره کندیگری، موجودیت سیاسی کزی مخاطره به دوشورمیکز. حیات و بقا کزه دائر هر شیک اک اعلاسی تدارک ایدیگز. جناب الله «عز شأنه» دنیا و آخرت خصوصاتنده احسن اموری اختیار ایدن قوللریخ سومکدهدر.

انهاراً» «قل من حرم زینته الی اخرج لعباده والطیبات من الرزق» کبی آیات جلیلده جناب حق عبادینه امتنان، نعم الهیه سنی تعداد ایلره آتلی ایفای تشکراته دعوت بیورمشدر. ایفای وظائف شرطیه مظهر نعمت سبجانییه اولمقدن بویوک سعادت متصورمیدر؟ — موسی و خضر علیهما السلام قصه سنده کی «ویستخرجاکنزهما رحمة من ربک» نظم جلیلده ملاحظه شایاند که جناب باری یتیملرک کنز محفوظنی رحمت ربانیه تسمیه بیوریور. «کاد الفقر ان یكون کفراً» حدیث شریفده امت اسلامیه بی استحصال ثروت و غنایه دعوت باینده بویوک برارشاد نبویدر. چونکه ثروت و غنائک شرائط ایماندن عد اولنه جق مرتبه اهمیتیه کوسترمکدهدر. اوله یا! مادام که فقر و احتیاج انسانی کفره سوق ایدره جک قدر سوء تأثیری حائر اولیور. بومهلکیه کرفتار اولماق ایچون بذل مساعیده بولونمق محافظه ایمان اسبابی استحضار دیمک اولور. بوا یسه اقدم فرائض واعظم ارکان اسلامیهدر.

مناسرتلی اسماعیل حق

ملک ما ضیسی، حالی و خسته لقلرینک

چاره سی

سنة الله فی الذین خلوا من قبل — ولن تجد لسنة الله تبديلاً

بو عالمده ظهور ایدن اتمتر آره سنده برأمت کوردکی که موجودیتندن کیمسه نک خبری یوقکن بردن بره اوزرنده کی عدم بولوطلری صبریلسون؛ میدانده اوله بر جمعیت حالنده چیقسون که افرادینک سایه همتنده ارکانی قوی، اساسی متین، بر بنای معظم کبی اولسون؛ اوزرینی زره برینه سطوت و شهامت اورتسون؛ اطرافنی قلعه برینه علوهمت احاطه ایتسون؛ اک آتشین هجوملر اونک ساحه سنه کلیرکلز سونسون؛ اک بویوک مشککلر ارباب حل و عقدی الذمه قولایجه آچیلور سونسون؛ افرادینک قلبنده عزت و شهامت لایقیله رسوخ بولدقن صوکره داللانسون، بوداقلانسون؛ سلطنت و نفوذی یاقینده کیلره، اوزاقده کیلره شامل اولسون؛ آدابی، اخلاقی، عاداتی کندیسنندن اول کلوب کچن، کندیسیله معاصر بولنان اقوامک کافه سنک کنه فائق کلسون ده سعادتک بونلرک مسلکینه سلوک ایتمکدن باشقه بر صورتله استحصال اولنه میه جکی بوتون ملتلر طرفندن اعتراف ایدلسون؛ او امتده افرادینک آزلی، اراضینک کنیشلکی ایلره برابر بوتون عالمک روح مدبری کیلسون، بوتون عالم اوکا قارشی روحه نسبتله بدن خادم مشابه سنده بولنسون؟

لکن بونلرک هپسندن صوکره اوبیان متین صار صیلمایه باشلاسون؛ اوجمیت طاغیایمه یوز طوتسون؛ افرادک آمالی آره سنده تفرقهلر کورونسون؛ رابطهلر برر برر چوزولسون؛ تعاون، تناصر اساسلری دوریلسون؛ افرادک عز و همتی کنندی شخصیت محدوده سی